

人未給賞者就將賞賜量為遞減仍行錦衣衛并該城兵馬司着落旗校火甲人等嚴加緝拿治罪如或容隱事發一体治罪奉

聖旨是欽此欽遵及照迤西夷人到京給賞之後各要買賣者俱本部題

准出給榜文前去會同館張掛曉諭各鋪行人等將不係違禁之物入館兩平交易俱要見錢不賒許買其有染做布絹等項亦定立限期交還如有賒買及故意拖延騙勒致使夷人等候日久不得起程者拏送法司從重問罪仍於館前枷号示衆前項禁約事理不違不減今本齋又奏前因合無再行申明禁約今後夷人到館不係開市之日不許一應人員及在京住久回達人等私与往來勾引交易違者悉照節次奏奉

欽依事理叅究治罪奉

聖旨准議欽此

禁約私造斛斗秤尺例

成化二年二月初十日太子少保戶部尚書馬 亨題為禁約私造斛斗秤尺事廣西清吏司案呈伏覩大明律內一款節該凡私造斛斗秤尺不平在市使及將官降斛斗秤尺作弊增減者杖六十工部問罪其在市行使斛斗秤尺雖不平不經官較勘印烙者笞四十欽此欽遵外照得本部職官權責在兩平交易以為活計可也近体知京城內外居住軍民人等開張鋪店買賣之家不遵法度往往私家置造大小斛斗秤尺在市把持行使要得欺瞞多財人財肥己賣物者用小樣斛斗秤尺買物者用大樣斛斗秤尺甚是不許過

有精細之人知覈許其奸黨與人爭辯輒便欺害未便合無本部行移順天府并五城兵馬各行所屬地方出給榜文曉諭里老大甲人等嚴加戒諭京城裏外開張店鋪及挑擔買賣諸色物件行市自此以後各要遵守法度依式置造平秤斛斗秤尺許赴順天府較勘相同官為印烙火印方許在街行使敢有不遵故違仍前恃頑在街行使者令各兵馬司并地方火甲就便運斛斗秤尺捉拏到官送法司依律問罪仍例納贖贖罪其兩隣明知伊家大秤小斗等物在家行使符同隱匿互相借用知而不首事發一体究治如此則法令昭明人知警懼而賣買物貨得以均平緣係禁約事理未敢擅便具題次日奉

聖旨是欽此

禁約私造斛斗秤尺并賣米麥煤炸借物等項押

土灌水例

成化十七年八月二十二日順天府題為陳言事

送淮礼部咨礼科抄出駭騎右衛

常政下者物常敏自古至今五斗為一斛十升為一斗秤十六兩為一斤尺十寸為一尺古之常例近年以來京城內外各行做買賣并各坊廂住坐官員軍民人等之家多有不遵斛斗有加一二升或三五升有小四五升或五六升斗有加一二升有小一二升秤有二十四五兩為一斤有三十二三兩為一斤尺有十五六寸為一尺有八九寸為一尺縱意釘造在街行使以致貨物時值高低多求利息有等買米之人造成使九合升行使及至有使平升却將布團一塊號為燒餅名色